

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 01-3127/17
Sarajevo, 11.09.2017. godine

Na osnovu člana 135. Zakona o visokom obrazovanju ("Službene novine Kantona Sarajevo", broj: 33/17), člana 92. Statuta Univerziteta u Sarajevu, Odluke o kriterijima i mjerilima za utvrđivanje redoslijeda prijema kandidata za upis u prvu godinu drugog ciklusa studija na Univerzitetu u Sarajevu u studijskoj 2017/2018. godini i prijedloga dekana Elektrotehničkog fakulteta u Sarajevu broj: 02-3104/17 od 08.09.2017. godine, Vijeće Elektrotehničkog fakulteta u Sarajevu na 26. redovnoj sjednici održanoj 11.09.2017. godine, donosi

ODLUKU

o kriterijima i mjerilima za utvrđivanje redoslijeda prijema kandidata za upis u prvu godinu drugog ciklusa studija na Elektrotehničkom fakultetu u Sarajevu u studijskoj 2017/2018. godini

Član 1.

Ovom odlukom utvrđuju se zajednički kriteriji i mjerila za bodovanje i upis kandidata u prvu godinu drugog ciklusa studija na Elektrotehničkom fakultetu u Sarajevu u studijskoj 2017/2018. godini.

Terminološko korištenje muškog ili ženskog roda u ovoj odluci podrazumijeva uključivanje oba roda.

Član 2.

Kandidat je za upis obavezan podnijeti prijavu i priložiti dokumente predviđene Konkursom za upis studenata u prvu godinu drugog ciklusa studija na Univerzitetu u Sarajevu u studijskoj 2017/2018. godini.

Utvrđivanje jedinstvene rang-liste svih prijavljenih kandidata vršit će se na osnovu prosječne ocjene koju su kandidati ostvarili u toku prvog ciklusa studija, odnosno nakon završetka studija po predbolonjskim nastavnim planovima i programima i vrednovanja rezultata prijemnog ispita za svaki studijski program posebno.

Član 3.

Utvrđivanje broja bodova na osnovu prosječne ocjene utvrđuje se tako da se prosječna ocjena iz svih predmeta, uključujući i završni rad, zaokružena na dvije decimale pomnoži sa brojem 10.

Maksimalan broj bodova na osnovu ovog kriterija iznosi 100.

Visina prosječne ocjene i broj bodova ostvaren po ovom kriteriju nije eliminatoran.

Član 4.

Broj bodova na osnovu rezultata prijemnog ispita utvrđuje komisija za provođenje prijemnog ispita za svaki odsjek posebno.

Prijemni ispit iz Matematike i Osnova automatike i elektronike polažu kandidati koji se upisuju na redovni studij - troškove studija snosi osnivač i redovni studij - troškove studija snose sami studenti, na Odsjeku za automatiku i elektroniku, ukoliko ranije nisu položili prijemni ispit za upis u prvu godinu drugog ciklusa studija na Elektrotehničkom fakultetu u Sarajevu.

Prijemni ispit iz Matematike i Osnova elektroenergetike polažu kandidati koji se upisuju na redovni studij - troškove studija snosi osnivač i redovni studij - troškove studija snose sami studenti, na Odsjeku za elektroenergetiku, ukoliko ranije nisu položili prijemni ispit za upis u prvu godinu drugog ciklusa studija na Elektrotehničkom fakultetu u Sarajevu.

Prijemni ispit iz Matematike i Osnova računarstva i informatike polažu kandidati koji se upisuju na redovni studij - troškove studija snosi osnivač i redovni studij - troškove studija snose sami studenti, na Odsjeku za računarstvo i informatiku, ukoliko ranije nisu položili prijemni ispit za upis u prvu godinu drugog ciklusa studija na Elektrotehničkom fakultetu u Sarajevu.

Prijemni ispit iz Matematike i Osnova telekomunikacija polažu kandidati koji se upisuju na redovni studij - troškove studija snosi osnivač i redovni studij - troškove studija snose sami studenti, na Odsjeku za telekomunikacije, ukoliko ranije nisu položili prijemni ispit za upis u prvu godinu drugog ciklusa studija na Elektrotehničkom fakultetu u Sarajevu.

Član 5.

Prijemni ispit se sastoji od 20 zadataka koji se boduju sa po dva boda.

Za pogrešno urađene zadatke ne dodjeljuju se negativni bodovi.

Maksimalan broj bodova koji se može ostvariti na prijemnom ispitu iznosi 40.

Broj bodova ostvaren na prijemnom ispitu nije eliminatoran.

Član 6.

Ukupan broj bodova kandidat dobije kada se suma bodova dobijenih na osnovu prosječne ocjene i rezultata ostvarenih na prijemnom ispitu zaokruži na dvije decimale.

Upis kandidata vršit će se u skladu sa odobrenim planom upisa i utvrđenom rang-listom.

Član 7.

Postupak provođenja ove odluke vrši komisija koju je imenovalo Vijeće Elektrotehničkog fakulteta u Sarajevu.

Na oglasnoj ploči Elektrotehničkog fakulteta u Sarajevu i na web stranici www.etf.unsa.ba bit će objavljen datum i vrijeme polaganja prijemnog ispita.

Komisija je dužna da osigura tajnost ispitnog materijala i druge relevantne dokumentacije.

Preliminarna rang-listu svih primljenih i prijavljenih kandidata će biti objavljena na oglasnoj ploči nakon što je verificira Vijeće Elektrotehničkog fakulteta u Sarajevu, najkasnije dva dana od dana polaganja prijemnog ispita.

Na objavljenu rang-listu kandidati mogu uložiti pisani prigovor Vijeću Elektrotehničkog fakulteta u Sarajevu u roku od tri dana od dana objavljivanja liste.

Ukoliko kandidat ima prigovor na rezultate postignute na prijemnom ispitu, prigovor dokazuje ovjerenim duplikatom testa sa prijemnog ispita.

Vijeće Elektrotehničkog fakulteta u Sarajevu je dužno u roku od tri dana odlučiti o prigovoru kandidata.

Odluka Vijeća Elektrotehničkog fakulteta u Sarajevu je konačna.

Konačni spisak upisanih studenata u svim statusima, nakon što ga usvoji Vijeće Elektrotehničkog fakulteta u Sarajevu se objavljuje na oglasnoj ploči najkasnije dva dana nakon isteka roka za donošenje odluke po izjavljenim prigovorima.

Konačni spisak upisanih studenata u svim statusima dostavlja se Ministarstvu za obrazovanje, nauku i mlade Kantona Sarajevo, najkasnije sedam dana prije početka studijske godine.

Član 8.

Kandidati koji, u skladu sa Konkursom budu primljeni na Elektrotehnički fakultet u Sarajevu, za upis u prvu godinu studija, pored već predatih dokumenata, podnose:

- upisni, semestralni list i ŠV-obrazac,
- upisnicu – indeks i
- podatke o zdravstvenom stanju – ljekarsko uvjerenje (izdaje ga Zavod za zaštitu zdravlja studenata Univerziteta u Sarajevu).

Kada se na jedinstvenoj listi kandidata, koji su na osnovu kriterija za upis studenata utvrđenih Odlukom Vlade Kantona Sarajevo broj: 11-01-14-19957-1 od 24. juna 2009. godine, u predviđenoj kvoti upisa nađe određeni broj kandidata iz država nastalih nakon raspada SFRJ, lista primljenih kandidata se proširuje za taj broj kandidatima državljanima BiH najviše do 4% studenata u statusu za koji konkurišu (redovni, redovni samofinansirajući i vanredni).

Kada izračunati procent broja studenta u odnosu na maksimalno utvrđenu kvotu kandidata iz država nastalih nakon raspada SFRJ nije cijeli broj, u tom slučaju vrši se zaokruživanje procentualne vrijednosti u korist kandidata na sljedeći cijeli broj.

Ukoliko se na listi kandidata u kvoti do 4% nalazi više kandidata iz država nastalih nakon raspada SFRJ koji ostvare isti broj bodova, primaju se svi kandidati u statusu za koji konkurišu, a lista se proširuje za taj broj kandidatima državljanima BiH.

Pod jednakim uvjetima iz ovih kriterija prednost imaju:

- djeca boraca – branitelja BiH,
- djeca ratnih vojnih invalida,

- djeca šehida i poginulih i nestalih boraca – branitelja i umrlih ratnih vojnih invalida,
- djeca organizatora otpora,
- djeca veterana – prvoboraca i
- djeca nosilaca najviših ratnih priznanja (Čl. 1, 2, 5. i 24. Zakona o dopunskim pravima boraca – branitelja BiH, prečišćeni tekst, „Službene novine Kantona Sarajevo“, broj: 45/12).

Član 9.

Invalidi sa utvrđenim sto procentnim invaliditetom imaju pravo upisati se jedanput na određeni studijski program kao studenti budžetski finansiranih mjesta pod uvjetima:

- a) da su položili prijemni ispit ukoliko je isti predviđen,
- b) da su sposobni obavljati praktične zadatke u nastavi,
- c) da su stekli pravo upisa na odgovarajući ciklus studija visokoškolske ustanove kao javne ustanove i
- d) da su dostavili dokaz nadležne institucije o statusu invalida i procentu invaliditeta.

Član 10.

Detaljnije informacije o mjestu i vremenu predaje dokumenata za upis, kao i druge relevantne informacije bit će objavljene na internet stranici i oglasnoj ploči Elektrotehničkog fakulteta u Sarajevu.



Dostaviti:

1. Dekan
2. Prodekan za nastavu
3. Studentska služba
4. Odsjeci (4X)
5. Internet stranica
6. Uz zapisnik
7. a/a